



00508

河北省立
天津特別市
市立第二圖書館

00508



天津特別市市立第二圖書館 28-11,1.0000

琴堂續編

奏疏四卷



琴緒六季戲
杜雨西枝刊

存素堂集續編目錄

奏疏卷一

恭報越南貢使回國護送過境日期摺

辦解

萬年吉地工程木植價腳銀兩援請分別覈銷摺

永州鎮衡水道冬令會巡獠地結報片

清查苗疆屯防事宜酌議條款摺

苗疆要缺同知請以知縣陞署摺

覆奏開採湘鄉縣礮砂片

恭謝

存素堂集續編

奏疏目錄

頒賞福字鹿肉摺

援案籌借衛幫運義等銀片

酌籌移駐州同巡檢等員以資彈壓摺

校閱省標及長沙協營伍情形摺

旗丁欠完關稅遵

旨飭追已繳一萬餘兩其餘援請分限扣解摺

苗疆丁佃情形拮据援案請借口糧籽種摺

會奏請將湖南提督常駐辰州摺

請停寶南局鼓鑄摺

會奏停止開採湘鄉縣礮礮照例封禁摺



拏獲畫符除邪人犯審明並非邪教摺

官紳捐修

文廟懇

恩分別議敘摺

奏疏卷二

覆奏遵

旨覈議敬陳管見摺

運送撥船借支天津道庫銀兩先行籌解摺

鎮筸挾借案内革員無從追賠酌籌歸補片

苗疆得力人員請俟服闋後仍發原省摺

存素堂集續編

奏疏目錄

二

遵

旨分造直隸剝船籌款墊辦並委員經理摺

歷年欠解天津道庫銀兩現已全數籌解片

遵

旨籲請

陛見摺

會奏遵

旨查明楚粵交界地方業已設卡巡緝毋庸添設員弁

及改駐巡檢摺

濱湖私坑阻遏水道分別勘明飭毀以資宣洩摺

查辦煙案片

審明邵陽縣民人張命若並非逆黨片

恭報交卸撫篆起程北上摺

恭報接受江西撫篆摺

捐修城垣工竣請將捐資出力官紳分別獎勵摺

查辦江省煙案片

盤查倉穀援案展限摺

請以南安府知府倪良耀調補南昌府吳式芬補

授南安府並贛州府瑞光丁憂遺缺請

旨簡放摺

存素堂集續編

奏疏目錄

三

軍船被燬應賠糧米懇

恩展寬年限摺

恭謝

頒賞福字鹿肉摺

州縣攤捐各款銀數較多援案籌款生息摺

鹽法道薩興阿請暫緩引

見片

隆冬施粥銀兩倡率司道府等捐廉歸補片

試用人員拏獲盜犯多名懇

恩儘先補用摺

奏疏卷三

恭報代造直隸剝船工竣開行摺

請以瑞州府原缺知府唐業謙委署瑞州府片

校閱省標營伍甄劾衰庸各弁摺

覆奏犯婦王氏謀勒朱文銘身死請仍照原擬摺

勘辦濱臨江湖各縣被水情形分別撫卹摺

請以玉山縣知縣張兼山升補瑞州府銅鼓營同

知摺

會議覆奏御史焦友麟請廣敷教化摺

訪獲鄱陽湖一帶匪犯聚黨結盟分飭嚴辦片

存素堂集續編

奏疏目錄

四

飭追民欠漕米逾限無完請予補豁摺

查勘各縣被水輕重找發撫卹銀兩摺

清查案内未完銀兩請俟挪墊銀兩依限補完後

接續歸補片

請以候補道觀瑞署理鹽法道以雩都縣知縣宋

應文署理南城縣片

請以新喻東鄉縣知縣對調摺

各營戰船久未修造酌請裁改並先籌捐試辦摺

肝胃病發懇

恩賞假調理摺

查明德化德安等十縣酌借籽種摺
勸捐修築南昌新建等縣圩隄片
奏請銷假片

酌委藩司趙炳言兼署臬篆摺
各幫應交餘米懇

恩展緩一年摺

另揀靖安縣知縣王蘭與新喻縣知縣佛爾國春

對調摺

德化縣知縣吳正緯卓異引

見復請展限片

存素堂集續編

奏疏目錄

五

各縣捐修圩隄先將豐城進賢二縣驗收情形開

單呈報摺

請將尋常煙案軍流人犯變通辦理片

覆奏鴻臚寺少卿葉紹本條陳捕盜事宜摺

奏疏卷四

浙省借撥火藥鉛丸分別運解片

鹽法道薩興阿迴避以候補道觀瑞委署片

恭報飭調赴蘇防堵各營官兵先後起程摺

解浙尾批藥鉛酌量截畱改撥閩省摺

請以廬陵縣知縣顧麟趾升補河口鎮同知摺

覆奏查明江西地方尙無煙販滋事摺
審明大庾縣民人蔡潤身京控不實並將趙良耀
等按律定擬摺

請將藩庫閒款預買義倉穀石以廣儲備摺
赴蘇防堵官兵現已撤回摺

閩粵交界地方查拏煙匪片

拏獲煙販酌定發配地方片

曾任大學士戴均元在籍病故片

請以候補道觀瑞署理督糧道片

請以湖口縣知縣朱建溪調補廬陵縣摺

存素堂集續編

奏疏目錄

六

恭報前赴九江一帶巡閱營伍摺

覆奏御史陳文燾請禁各省積習並妥議章程片

覆奏起獲性命圭旨板片驗明銷燬片

查閱九江鎮各營官兵甄効庸劣備弁摺

添製擡礮分撥各營演習片

改造營船分撥巡操摺

覆奏御史陳熾請嚴查運解銅鉛船戶積弊並派

員督催片

另揀瑞金縣知縣董思誠調補廬陵縣摺

鹽法道葉名琛兼署臬篆片

請以饒州府知府麟桂護理九江道以景德鎮同知吳名鳳署理饒州府以安福縣知縣汪道森署理臨川縣片

請以豐城縣縣丞姚敏德升補瑞金縣摺
舊病復發懇

恩賞假調理片

升任湖北臬司贛南道趙仁基因病出缺請

旨簡放摺

請以贛州府知府王藩護理贛南道以坐補建昌

府知府董斯福署理贛州府片

存素堂集續編

奏疏目錄

七

孫

湖旭
湖春
湖時

曾孫

繹槃
綬槃謹校

湖瀨

存素堂集續編

奏疏卷一

恭報越南貢使回國護送過境日期摺

奏爲恭報越南貢使回國護送過境日期仰祈

聖鑒事竊照越南國貢使自京回國經由楚省先准湖

北撫臣咨會當經前護撫臣龔綬飭委岳常澧道

方濤衡永郴桂道張晉熙岳州府知府耿自檢長

沙府知府何其興衡州府知府恩長永州府知府

葉敬昌長沙府同知李炳奎岳州營叅將惠慶長

沙協副將王鏞兼護衡州協副將事軍都司段

存素堂集續編

奏疏卷一

芝蘭各按交界處所迎探接護並督率經過所屬

各州縣妥爲應付一面咨會永州鎮總兵崇福督

飭文武各員照料出境暨咨廣西撫臣一體委員

接護去後茲據稟報該國貢使於道光十七年十

月二十六日由湖北嘉魚縣水道入湖南巴陵縣

境照例妥爲應付逐程護送於十二月初四日行

抵東安縣送至廣西全州交替出境由廣西委員

接護前進等情臣查該貢使等此次出京經奉

旨派令伴送之廣東提督郭繼昌沿途小心照料極爲

安靜一路行走並無遲誤所有委員接護貢使過



境日期理合恭摺具

奏伏乞

皇上聖鑒謹

奏

道光十七年十二月十九日

存素堂集續編

奏疏卷一

二

辦解

萬年吉地工程木植價腳銀兩援請分別覈銷摺

奏爲辦解木植用過價腳銀兩循例專摺

奏報請照題銷原案分別覈銷仰祈

聖鑒事竊照道光二年湖南省奉文採辦

萬年吉地工程木植一案先經前撫臣裕泰將用過價

腳銀兩造冊

題銷嗣准部咨統共需用銀兩應令奏報覈辦並補

造副冊送部等因當經前撫臣訥爾經額轉行遵

辦去後茲據藩司龔綬查明已領未領銀數造具

存素堂集續編

奏疏卷一

三

副冊詳請覈

奏前來臣查此案原奉

萬年吉地工程處咨取頭等杉木九百三十根大徑一

尺杉木一千四百十九根係委前任辰沅道翟聲

煥候補知州周念詒分途採辦冊報共用過木價

銀二萬七百五十八兩五錢六分七釐內除解木

委員田永豐運至安徽蕪湖縣地方失火焚燬頭

等杉木六百五十八根大徑一尺杉木一十八根

該價銀五千七百九十二兩六錢七分應行賠出

毋庸動支庫項外實應銷木價銀一萬四千九百

六十五兩八錢九分七釐又用過南省運腳等銀
二萬八千八百九十二兩一錢一分二釐除田永
豐被焚領解木植按價計攤本省運費該賠銀八
千一百九十一兩一錢二分九釐實用過運腳等
銀二萬七百兩九錢八分三釐總共應銷木價及
南省運費銀三萬五千六百六十六兩八錢八分
已先後

奏明動支道光三四五等年地丁銀四萬二千兩計
長領銀六千三百三十三兩一錢二分又據冊報
田永豐解木赴京用過北上運費等銀三萬二千

存素堂集續編

奏疏卷一

四

三百九十八兩八錢六分四釐內除該員解運前
項木植自湖南常德府紮解裝運日起至蕪湖止
照翟聲煥周念詒二員採獲木植用過價銀攤派
運費應賠被焚木植運費銀二千五百八十四兩
八錢六分八釐外實請銷北上運費銀二萬九千
八百一十三兩九錢九分六釐已

奏明動支道光四年地丁銀八千兩又前司裕泰任
內詳准動支司庫閑款借給田永豐運費銀二千
兩聲明在於應領運費內覈扣應卽扣除計算尙
未領銀一萬九千八百一十三兩九錢九分六釐

內除劃抵翟聲煥等長領銀六千三百三十三兩
一錢二分仍應找領銀一萬三千四百八十八兩八
錢七分六釐係已故委員田永豐名下應領之款
除副冊咨部外所有湖南省辦解

萬年吉地工程木植統共需用價腳銀兩應請查照

題銷原案分別覈銷緣由謹會同湖廣總督臣林則
徐恭摺具

奏伏乞

皇上聖鑒

勅部覈覆施行謹

存素堂集續編

奏疏卷一

五

奏

道光十七年十二月十九日

永州鎮衡水道冬令會巡徭地結報片

再查平徭善後事宜案内

奏定巡哨章程永州鎮標駐防江華永明道州甯遠
新田之左右營並臨武營藍山汛各徭地汛弁每
月帶兵訂期與鄰界營汛巡哨一次該管將備每
季巡哨一次互取印結申報永州鎮於冬令統查
一次將查過是否安靜情形年終結報督撫覈奏
等因歷經遵照辦理在案又本年前撫臣訥爾經
額議奏籌辦查拏會匪飭行練團章程案內欽奉
諭旨責成永州鎮衡水道於每年冬令會同親赴各該
存素堂集續編

奏疏卷一

六

地方嚴密查訪該牧令等能否實力奉行認真緝捕
民徭果否安靜據實詳報督撫分別勸懲等因欽此
轉飭欽遵辦理亦在案茲屆冬令查辦之期准永
州鎮總兵崇福咨稱於十一月初二日起程會同
衡水道張晉熙親赴各徭地逐一嚴密巡查各州
縣練團緝匪俱屬認真民徭均極安靜並無奸民
潛入盤剝等情出具印結咨請會覈具

奏並據該道具稟前來臣覆加體察均屬實情除仍
移該鎮嚴飭各徭地汛弁及該營將備遵照章程
按期會哨毋得日久玩生稍有懈弛外所有永州

鎮衡水道冬令會巡徭地結報緣由理合會同湖
廣總督臣林則徐附片具

奏伏乞

聖鑒謹

奏

道光十七年十二月十九日

存素堂集續編

奏疏卷一

七

清查苗疆屯防事宜酌議條款摺

奏爲清查苗疆屯防事宜酌議條款恭摺具

奏仰祈

聖鑒事竊照道光十六年前撫臣裕泰奏請將辰沅道

經營屯防事宜澈底清查凡民苗生計兵勇口食並應興應革有關利弊者斟酌損益另議章程以清積弊等因欽奉

硃批經國遠猷必當隨時整飭汝能見及深屬可嘉妥議奏來欽此當經札飭該署道王簡遵照查辦去後

前撫臣裕泰旋即奉

存秦堂集續編

奏疏卷一

八

旨調任江西未及議奏臣林則徐上年巡閱營伍親蒞

鎮守體察情形苗民尙屬相安丁勇自滋事懲辦

之後亦知安分守法當囑該署道妥爲撫馭一面

將經營屯防事宜逐一澈底清查酌議詳辦嗣據

查明列款具詳批司會議臣錢寶琛蒞任時適值

該署道王簡因前撫臣調赴省垣質算交代尙未

出省復又諄飭該署道會同藩臬兩司將實在應

興應革關於利弊之處悉心妥議以憑覈辦茲據

該司道等會議具詳前來臣等覆加查覈往返札

商謹將分別清釐及籌議歸補各事宜開列條款

恭呈

御覽

一清屯田 查鳳凰乾州永綏古丈坪保靖瀘溪
麻陽七廳縣於均屯經久章程及未盡事宜各
案內

奏明丈收田土十五萬二千一百五十七畝一分內
除重丈退還撥給營兵馬厰並水冲沙壓分授
老幼丁等田土六千一百九畝零又分授屯長
屯丁田四萬四千三百四十六畝外實在田土
十萬一千七百一畝零俱係召佃收租以供練

存素堂集續編

奏疏卷一

九

勇鹽糧暨一切經費之用前項田土給佃承種
發領執照按額催徵向由各該廳縣及屯備弁
等層遞稽查至屯長屯丁分授田畝從前鳳凰
永綏二廳間有私行典押之事迨道光元年及
十三年節奉清查以後俱係屯長屯丁自領耕
種實無典當情弊現由屯百總總旗小旗取具
切實甘結並據各廳縣加結實道由道覆查並
無捏飾第恐日久生懈應仍飭該道督飭各廳
縣加意查察如有違禁私典並移坵換段以已
分承授之田假爲民田出當者卽行從嚴懲辦

務使積弊永除而屯防期於經久

一清佃欠 查苗疆均屯田土經前任辰沅道傅
鼐先後詳請

奏定章程並續詳各款共收租穀十萬五千四百八
十八石零嘉慶十九年清查案內奏明覈減五
千五百石每歲實徵租穀九萬九千九百八十
八石零道光元年籌議苗疆事宜案內又奏減
租穀二萬百七十石每歲實徵租穀七萬九千
二百一十八石零永爲定額道光元年及八年
十年因節被水旱共短收穀四千五百六十五

存素堂集續編

奏疏卷一

十

石零業經前督撫臣奏奉

恩旨豁免並准部咨不敷經費飭令籌補等因各前道
均因無款可籌虛懸待補又道光十一二三四
五等年短收穀五千一石零疊經該道勒限嚴
追無如苗疆田土瘠薄水耕火耨終歲勤動所
獲無多佃戶完納額租較民間輸賦爲重豐歲
收穫僅供口食本鮮蓋藏一遇歉收輒形匱乏
且原佃多係逃亡故絕現在半皆另招頂耕新
更之佃力難代完舊欠卽原欠各戶本年秋季收
僅敷完納額租如復帶徵節年租穀實屬力有

未逮合無仰懇

皇上天恩俯念苗疆瘠苦佃力維艱准照十年以前歷
豁佃欠之案一體豁免嗣後請責成該道督飭
屯弁董率各佃廣開水利務勤力作以收地利
而清額租不得再任蒂欠

一清支銷 查屯防經費前在嘉慶年間本有租
穀十萬餘石以供各項支用迨道光元年清查
案內租穀既減去二萬餘石一切經費亦即加
意刪節經前任辰沅道趙文在會同委員永順
府知府諸嘉杏等按款確查每年實需支用銀

存素堂集續編

奏疏卷一

十一

穀七萬九千二百餘石內每年應支銀二萬五
千二百九十餘兩係供支七廳縣屯備弁俸廉
練勇餉乾馬價操用鉛藥紅白惠賞歲修碶卡
完納均田糧賦等項之用又每年應支穀三萬
八千六百四十石零係供支屯弁練勇苗戢守
兵口糧添製軍械修理水冲沙壓田土工本書
院生童膏火屯苗義學館穀倉書斗級工食等
項之用又每年應支穀四千二百二十九石零
係爲加增書院生童膏火屯苗義學館穀各廳
鄉勇義烈祠祭祀儒學薪水以及育嬰堂養濟

院各處口糧等項之用又每年應支銀五百五十餘兩係爲支發辦理七廳縣報銷經書工食紙張盤費碾米工匠價銀軍裝火藥二局柴火燈油加給弓箭教習工食及檢蓋練勇兵房等項之用又每年應支穀一萬五百石零係支發匯辦七廳縣均屯冊檔書役薪工屯長薪水工匠口糧運送鹽糧穀石夫價水腳押運盤費檢蓋倉廩修製車斛屯防差役口糧及永綏殘廢丁三百名口糧又未授田老幼丁口糧等項之用以上每年應支銀穀歷係由道經營並各廳縣坐支彙總造報均係必不可少之需難以再減應請照舊支銷

一清借款

上年前督

臣訥爾經額等會奏鎮算

善後章程案內聲明練勇借支銀穀一項愈積愈多究屬濫支欽奉

諭旨著於清查案內將如何酌定限制之處另籌辦理

等因欽此欽遵在案

臣等覆查苗疆民貧地瘠

田土歸公其額設練勇一千名除支食糧餉外別無田產及生計可圖殊形苦累前道傅鼐於每年年底青黃不接之時由道借給銀穀調劑

仍按月在於該練勇等餉銀內扣還歷任道員相沿俱有借扣之事道光七年收成歉薄例支餉銀不敷食用所借之穀較前加增十二年又值羊泉廣東等處出師借支行裝銀兩一併歸於月餉內扣還歸款積欠既久扣項愈多每名月餉除扣之外實不足以資餉口委難責令枵腹操防除十六年挾借一案先經

奏明分別扣賠外查有從前歷年借欠銀六千四百餘兩爲時既久原借各練勇多係病故退伍實屬無力完繳無從著追現據該練勇等籲求豁

存素堂集續編

奏疏卷一

三

免並出具永不借甘結由道轉詳又屯丁歷年借穀並苗備弁代各苗兵借穀向係年清年款尙無拖欠惟其中革伍病故歷年積壓無可著追者合計尙欠穀一千一百七十餘石現據該道查明實係流亡故絕無從追繳應同前項練勇歷年借欠銀兩

奏懇

天恩一體免追以示體恤經此次清查豁免之後該道儲備銀穀不准再有濫借庶清其源必截其流日後如遇水旱不時或征調差遣不得已而復

有請借之事應令該道隨時詳明督撫酌覈辦理不准由道自行借給以示限制

一籌歸補 查以上各款內有道光元年八年十年已

奏奉豁免穀四千五百六十餘石原議籌款歸補因苗疆經費有常既經豁除租額度支有絀無盈至今尚未歸補又道光十一二三四等年佃欠短收穀五千餘石又屯丁苗官借欠穀一千一百七十餘石又練勇歷年借欠銀六千四百餘兩現經臣等

存素堂集續編

奏疏卷一

十四

奏請一併豁免如蒙

俞允以穀一石折銀一兩綜計短缺銀穀一萬七千一百四十餘兩俱關苗疆月支糧餉及一切經費要需亟宜籌款歸補溯查嘉慶十年議定均屯章程之後至十九年清查案內共計歷年借墊銀穀五萬二千六百餘兩經前撫臣廣厚奏請分別捐賠歸補又道光元年查辦苗疆儲積案內計歷年動缺穀六萬九百餘石經前任督撫臣陳若霖左輔奏請借動司庫捐監銀六萬九百兩發交辰沅道採買穀石以資儲備各在案

茲自前次道光元年清查截至十六年年底止
比上兩屆歷年更久而所短銀穀一萬七千餘
兩尚不致如上兩屆之多據該道稟稱支款匱
乏自應速爲籌補但

國家經費有常未敢懇

恩賞給款項臣等公同設法籌議查有漢岸鹽商生息
一款本爲苗疆經費而設原奏聲明本銀十萬
兩每年應歸五千兩作二十年歸完現已歸過
十六次本銀八萬兩尚未歸銀二萬兩計四年
即可歸足今因苗疆需用應請將漢商歸本之

存素堂集續編

奏疏卷一

十五

息量展四年以資籌補惟商息須按年提取而
籌補則難以緩延先請於司庫通米經費項下
暫行借支銀一萬七千一百四十餘兩發交該
道分別歸補儲備俟漢商生息解到陸續歸還
通米經費借款如此一轉移間苗疆儲備胥歸
有著而庫項仍不虛懸似爲兩得是否有當伏
候

訓示祇遵

一清催徵 查鳳凰乾州等七廳縣額設屯長二
百名經理屯田穀石專司出納前有屯長田多

稼等短交租穀四千餘石經歷任道員追繳過半內有本身病故暨家產盡絕無著者亦經前道代爲賠補現無侵蝕情弊惟各廳縣屯田十萬餘畝均處萬山之中每當山水漲發易於冲刷自道光六年以後沙水沖壓之田較昔爲多俱經該道隨時勘估修理第查近溪田畝內有節年被水沖廢已成溪壑不能修復者共計二百三十三畝零現在基址無存每年缺額無收穀二百八十餘石均係歷任道員捐賠由來已久臣等伏查此項沖廢田畝既據該道查明基址無存實屬無從修復所有缺收租穀自未便徒存虛數致令永遠捐賠現當徹底清查相應據實

奏明請將前項廢田租穀照例豁除所有每年不敷額租應令該道在於生息餘存項下撥補支放以杜虧累

一申邊禁 查鳳凰乾州永綏古丈坪保靖五廳

縣額設苗官四百八十六名給以守備千把外

委職銜層遞管束散苗雖歷年遵行相安無事

第恐日久弊生難免無盤剝之弊其各書吏專

司稿案經理支發亦難保無勒索情事現奉

諭旨清查自應嚴行申禁經該道飭據各廳縣申覆所

管各苗備弁內前有守備梁開科千總吳老吼

歐通懶把總龍老巴外委龍隆景石添榮廖老

寅等因約束不力不洽輿情俱經斥革另補其

書吏內前有延玩誤公之文碧祥等十四名亦

經隨時斥革現俱奉公守法並無盤剝勒索情

弊出具印結申道並查現無漢姦私人苗地及

與苗人聯姻串通勾結之事苗疆一律安靖應

令該道督飭各廳縣隨時查察如有前項情弊

存素堂集續編

奏疏卷一

七

立即從嚴懲辦仍責成該廳縣於每年年終分

案出具印結送道備查倘敢徇縱由道據實揭

叅究辦總期民苗畏服永靖邊圉

一移屯員 查嘉慶十年均屯經久章程案內

奏准鳳凰廳原挑備戰練勇一千名以五百名駐紮

上五崗之新場堡以五百名駐紮下五崗之同

全坡分爲左右二哨每哨設屯千總屯把總屯

外委屯額外各一員管帶訓練嘉慶十四年添

設北關屯守備統轄練勇並督率千把總外委

額外等官按日訓練此舊制也覆查各省營制

額兵千名必須副叅大員統領分設都司守備
層層管帶互相鈴束今以守備一員統轄練勇
千名既與體制未符且事務殷繁於訓練難期
得力以致因循怠玩有上年糾眾挾借之事雖
經懲辦之後該勇等咸知震懾自不敢復蹈前
車第苗疆重地固宜稍專責任亦不可偏重事
權上年給事中常大澗陳奏鎮守善後章程案
內有道標練勇分勻安置三廳之議經前督臣
訥爾經額前撫臣裕泰鎮守總兵臣楊芳遵
旨會議以練勇與營兵聚處一城角勝爭能素稱精悍

存素堂集續編

奏疏卷一

六

控制未善難保不恃強滋事若分撥三廳安置
使之勢散易制實屬法良意美惟查該練勇等
多係土著類皆貧苦別無生計必須攜家同往
就養現在月領餉銀扣數尙多得項僅敷口食
盤費實難設措應請暫循其舊俟一二年後扣
款漸少丁力稍紓再行察看籌辦等因奏奉

俞允在案今察看情形該練勇等攜家遷徙力有所難
莫若循照舊章畧爲通變臣等公同酌議查有
原設新場堡屯守備一員僅管催租事務較簡
應請將該守備移駐鳳凰廳城與北關屯守備

仍按原管左右二哨分設兩營各管練勇五百
名足資控馭所轄千總把總外委額外等官俱
循其舊所有新場堡屯守備原管催租等事應
改歸永安卡屯千總責成就近兼管可無貽誤
庶因地制宜於邊防益昭慎密

以上數條謹就臣等管見所及合詞具

奏伏乞

皇上聖鑒訓示遵行謹

奏

道光十八年正月十九日

存素堂集續編

奏疏卷一

九

苗疆要缺同知請以知縣陞署摺

奏爲苗疆要缺同知需員恭懇

聖恩俯准陞署以裨地方事竊照湖南鳳凰直隸廳同知姚華佐聞訃丁憂業經前護撫臣龔綬恭疏具題開缺在案所遺鳳凰直隸廳同知係苗疆繁難最要之缺例應在外揀選

題補臣等查該廳四境皆苗一切巡防撫馭均關緊要必須熟悉苗情精明幹練之員方足以資治理茲據藩司龔綬會同臬司楊慶琛詳稱於通省應陞人員內逐加遴選一時實無合例堪陞之員惟

存素堂集續編

奏疏卷一

三

查有保靖縣知縣翟誥現年四十三歲安徽監生由捐納府經歷分發湖南道光三年咨署寶慶府經歷調署乾州廳經歷期滿實授嗣因初次俸滿及苗疆五年俸滿先後保薦卽陞道光十二年題陞今職赴部引

見奉

旨翟誥准其陞補湖南保靖縣知縣欽此十四年三月到任該員年壯才優精明幹練歷任苗疆熟悉情形民苗素稱愛戴以之陞署鳳凰直隸廳同知洵堪勝任惟陞補苗疆知縣歷俸未滿五年與例稍

有未符但員缺緊要人地實在相需會詳請

奏前來

臣等往返札商意見相同理合循例專摺

奏懇

聖恩俯准以現任保靖縣知縣翟誥陞署鳳凰直隸廳同知於苗疆要缺洵有裨益仍俟扣滿年限另請實授如蒙

俞允該員係由知縣請陞應俟部覆至日照例給咨送

部引

見恭候

欽定其任內一切因公處分遵例毋庸覈計罰俸銀兩

存素堂集續編

奏疏卷一

三

飭令按限完繳造冊詳咨所遺保靖縣知縣楚省現有坐補人員容照例另行請補臣等謹合詞恭摺具

奏伏乞

皇上聖鑒訓示遵行再臣錢寶琛到任未及三月例不

出考合併陳明謹

奏

道光十八年正月十九日

覆奏開採湘鄉縣礮砂片

再_臣等承准軍機大臣字寄道光十二年十二月十七日奉

上諭據龔綬奏湖南湘鄉縣煤礮夾產硫礮向例於存礮將次用完隨時開採以備供支現據該署藩司查勘情形仍屬旺盛已陸續煎提運解省局等語各營年額操演火藥需礮配製自應准其開採惟煤礮並產利之所在小民趨之若鶩至吏胥之偷漏影射尤易啟含混之弊且該處地接苗疆礮斤關繫綦重著林則徐錢寶琛遴員妥爲經理嚴密防範不准絲毫存素堂集續編

奏疏卷一

三

偷漏滋弊礮斤稍爲充裕足額卽行奏請照例封禁倘辦理不善致滋流弊朕惟汝二人是問懍之將此諭令知之欽此_臣等跪讀之下仰見

皇上訓示周詳無微不至感悚莫名當卽欽遵札飭該藩司遴委試用知縣楊侃馳往該處會同湘鄉縣知縣嚴學淦妥爲經理去後現在已獲淨礮四萬一千餘斤運解省局秤收其餘開採礮砂飭令趕緊煎提陸續運解_臣等密加查察尙無偷漏影射情弊除嚴飭該委員等時刻加緊防範不使稍有含混一俟礮筋稍爲充裕足供數年之用卽行

奏請照例封禁外所有臣等遵

旨查辦緣由謹合詞附片覆

奏伏乞

聖鑒謹

奏

道光十八年正月十九日

存素堂集續編

奏疏卷一

三

恭謝

頒賞福字鹿肉摺

奏為恭謝

天恩事道光十八年正月十七日臣賞摺差弁回楚捧

到

御書福字一幅麇鹿肉一分

頒賞到臣謹卽恭設香案望

闕叩頭祇領欽惟我

皇上臨宸播凱

調泰延洪

存素堂集續編

奏疏卷一

十四

鴻疇徵嚮五之庥平康用錫鹿雅叶肄三之奏

戩穀馨宜

寶字頒春挹

恩光於

義畫珍饈飽

德分

寵賜於

堯廚臣幸沐

蕃釐渥承

嘉貺

星雲快睹書思用勵夫丹忱

膏露親嘗鼎養彌慚夫素食仰

奎文之景耀樂

仁囿以同登所有微臣感激榮幸下忱謹繕摺恭謝

天恩伏乞

皇上聖鑒謹

奏

道光十八年正月二十二日

存素堂集續編

奏疏卷一

三

援案籌借衛幫運義等銀片

再湖北荊州荆左荆右沔陽四衛軍船載運湖南漕糧所需運義造費等銀如遇屯田災歉緩徵向係咨明戶部在於藩庫留備項下借給各丁辦運上年因旗丁生息銀六千兩全數發給接准部咨嗣後司庫正銀不得復請借動嗣因各幫所需運義造費本款共銀一萬七千餘兩被水緩徵無資辦運經前撫臣裕泰

奏請援案借支聲明生息銀兩全數給丁應於借款內減銀二千五百兩實給銀一萬四千八百餘兩

存素堂集續編

奏疏卷一

五

俟徵收還款等因奉

旨允准在案茲屆本年新漕據糧道金開第湖北藩司張岳崧湖南藩司龔綬會詳稱各該衛道光十七年屯坐軍田復又被淹應徵新舊錢糧業經奏奉恩旨一律緩徵所有各幫應領運義造費共銀一萬七千五百六十二兩零現值新漕萬緊之際需用甚殷難以緩待應請循照前案作速籌款借支飭丁趕領辦運並據聲稱上年請借運義等銀減去二千五百兩據各幫旗丁紛紛稟呈辦運不敷請將減借銀兩照數補給以資辦公該道因業已

奏定未經准行本年請借災緩運義等銀一萬七千五百六十餘兩應請照數給領俾各丁辦運不致缺乏又岳州衛歷年災緩運費亦係咨部借給有案上年該衛屯田被災事同一律所有緩徵運費銀一千四百六十二兩零並請援案一併

奏明借給等情前來臣伏查運義等銀係各丁辦運應領正項歷年因災請借仍應按數徵還其生息銀兩原因丁力拮据

奏准調劑各領各款本屬不同近年運務艱難各丁辦理竭蹶委係實在情形既據該司道等會覈具

存素堂集續編

奏疏卷一

七

詳相應據實

奏明請將本年荆沔等四衛丁船請借災緩運義造費銀一萬七千五百六十二兩零及岳州衛丁船請借災緩運費銀一千四百六十二兩零一併照數借支給領以資辦運而免貽誤除查照歷年成案批飭湖南藩司在于司庫留備項下按數動支移解糧道分別轉發給丁具領仍飭遵照緩徵奏案依限如數徵還歸款外所有撥案籌借運義等銀緣由謹會同督臣林則徐附片奏

聞伏乞

聖鑒謹

奏

道光十八年正月二十二日

存素堂集續編

奏疏卷一

天

道光十八年正月二十二日

聖鑒謹

酌籌移駐州同巡檢等員以資彈壓摺

奏為酌籌移駐州同巡檢等員以資彈壓而重地方

恭摺

奏祈

聖鑒事竊照道光十五年前督臣訥爾經額前撫臣吳

榮光遵

旨會同查辦苗疆屯防私設委員案內

奏請添設辰永沅靖道屬屯倉大使一員專管屯防
冊檔並稽查屯倉等事定為調補之缺仍於內地
裁汰巡檢一員互抵嗣准部議應於相當從九品

存素堂集續編

奏疏卷一

无

缺內裁汰一缺互換覈辦等因當經前撫臣裕泰

查明桂陽直隸州州同向駐州城原非緊要職任

題請移駐松木墟地方以資彈壓將相距松木墟三

十里之泗洲寨巡檢一缺裁汰以抵添設道倉大

使之缺又奉部議以泗洲寨巡檢係屬選缺並非

調補相當之缺與例未符不准裁抵飭司遵照另

行查辦去後茲據署辰永沅靖道王簡稟稱苗疆

屯防事宜散在鳳凰乾州永綏古丈坪保靖麻陽

瀘溪七廳縣所設各屯倉均有屯弁屯長經理仍

由道總司出納並督飭各廳縣就近稽查卽遇有

應委查倉等事各廳縣均有現任佐雜人員可以隨時派委其匪辦各廳縣均屯冊檔道署設有專書經管該道不難親爲稽覈無虞貽誤且散處各廳縣之屯務卽設大使一員幫理亦屬無濟於事應請毋庸添設以免冗濫等情並據署沅州府知府姚華佐詳據署黔陽縣知縣吳士俊稟稱縣屬安江司巡檢前因並無經管水利驛站事件僅止分駐彈壓恐滋民累奉文

奏請裁汰茲查該縣新路市地方在縣東一百三十里與武岡州屬之古木會同縣屬之岩頭灣辰溪

存素堂集續編

奏疏卷一

三

縣屬之龍關坡三面交界中有大河一道上通貴州下達辰陽地方極爲遼闊且相距五十里之羅翁山蟠連五百餘里民猺雜處其間兼與各邑鄰境犬牙交錯山徑叢雜處處可通商賈絡繹居民輻輳最易藏奸匿匪縣治偏立境之西南相離寫遠僅止典史一員巡緝實難周密因地制宜必當設官彈壓查新路地名不一請將新路市易名石橋分設巡檢一員俾資緝捕等情經該署府親詣查勘無異由藩臬兩司會議具詳請

奏前來

臣

查前督

臣

等議請設立屯倉大使一節既

據該署道查明各廳縣所設屯倉由道總司出納督飭稽查其屯防冊檔設有專書經管該道又可親爲稽覈據請毋庸添設大使以免冗濫臣覆加體察係屬實在情形與其添設冗員無裨屯務莫若仍循舊制得專責成所有原奏請設屯倉大使之處應請毋庸置議惟查泗洲寨地方係苗疆門戶攸關緊要巡檢職分較小不足以資彈壓桂陽直隸州州同向與知州同駐一城別無緊要職任該員品秩較大應請將該州州同移駐泗洲寨地方作爲分防泗洲寨州同以資彈壓控制毋庸改

存素堂集續編

奏疏卷一

三

駐松木墟免致鞭長莫及其泗洲寨巡檢應卽移駐別屬以收巡防之效查黔陽縣原設安江巡檢一員業於道光十二年裁撤冗員案內

奏請裁汰今據該府縣查勘新路市地方極爲遼闊最易藏奸請於新路市易名石橋分設巡檢一員專司彈壓巡緝事務係爲慎重地方起見未便因安江巡檢裁汰在先稍存拘泥致滋貽誤應請如該司等所議添設石橋巡檢一員駐紮新路市以資巡緝而專責成卽以桂陽州裁撤之泗洲寨巡檢移駐該處足以相抵如此一轉移間於地方殊

有裨益其桂陽州州同及泗洲寨巡檢均係選缺
今州同分駐泗洲寨及泗洲寨巡檢移駐黔陽縣
石橋均請仍定爲選缺遇有缺出照例歸部銓選
所有州同巡檢養廉俸銀以及書役工食均各照
舊支給毋庸另議增添泗州同衙署現有裁撤泗洲
寨巡檢衙署可供棲止毋庸添設新設石橋巡檢
應建衙署現有安江巡檢舊署可以移建毋庸另
籌經費至換鑄印信關防開造四至八到清冊及
現任各員是否能勝新移之任統俟部覆至日另
行分別查辦是否有當謹會同湖廣總督臣林則

存素堂集續編

奏疏卷一

三

徐合詞恭摺具

奏伏乞

皇上聖鑒

勅部覈覆施行謹

奏

道光十八年正月二十二日

校閱省標及長沙協營伍情形摺

奏爲查閱省標及長沙協營伍情形恭摺

奏祈

聖鑒事竊照設兵衛民必須勤加訓練俾成勁旅湖南

控制苗疆武備尤關緊要

臣欽承

恩命畀以巡撫重任有整飭營伍之責到任後卽嚴飭

撫標左右兩營及長沙協各將備督率弁兵認真

操演務期兵歸實用餉不虛糜茲復飭據開造官

兵花名清冊呈請校閱前來

臣隨調集撫標各營

馬步戰守兵丁九百六十名又長沙協兵丁九百

存素堂集續編

奏疏卷一

三

三十名共一千八百九十名按冊逐一點驗尙無
短少及老弱充數之弊查驗軍裝器械尙屬完整
連日校閱官兵馬步弓箭鳥鎗合操配隊大小陣
式演放連環鎗礮擡礮噴筒及刀棍藤牌長矛雜
技俱尙合式鳥鎗準頭計在七成以上馬步箭中
靶在六七八成不等

臣將技藝較優各弁兵當場

獎賞記名拔補其箭無準頭技藝生疏之把總一

員外委二員馬戰守兵十二名分別降革用示勸

懲並飭各將備嚴督弁兵按期勤操不得始勤終

怠

臣仍隨時稽察如有懈弛立予叅革不敢稍事

姑容務使官兵技藝一律精熟以仰副

聖主修明武備整飭戎行至意所有臣校閱省城營伍

情形理合恭摺具

奏伏乞

皇上聖鑒謹

奏

道光十八年二月十七日

存素堂集續編

奏疏卷一

一



奏

星土聖鑒

奏伏乞

聖主修明武備整飭戎行至意所有臣校閱省城營伍

情形理合恭摺具奏伏乞皇上聖鑒謹奏

道光十八年二月十七日

旗丁欠完關稅遵

旨飭追已繳一萬餘兩其餘援請分限扣解摺

奏爲旗丁欠完關稅遵

旨飭追已繳一萬餘兩其餘酌請援案分限扣解以紓

丁力恭摺

奏祈

聖鑒事竊照湖南各幫漕船於道光十六年欠完蕪湖
關木稅銀二萬三千一百一十八兩零又十七年
欠找木稅銀五千七百七十五兩零經安徽撫

色卜星額奏奉

奏疏卷一

壹

存素堂集續編

諭旨著林則徐訥爾經額嚴飭該管糧道查明照數催

追完繳迅速解關毋再遲逾等因欽此當卽欽遵轉

飭查追上年十二月臣錢寶琛到任正值漕船歸

次復又查案行催並札委候補知府方傳穆馳赴

岳州水次會同糧道金開第嚴提各丁勒限比追

去後茲據該道等會詳稱頭二三幫各丁先後呈

繳銀一萬九百二十四兩零俟督運抵關照數核

解統計六十七兩年尙短銀一萬七千九百餘

兩屢經嚴比飭衛押追據荆沔各衛守備鄒斌才

等轉據該幫一百二十六船旗丁玉純劉秀榮李

漢卿等稟稱湖南運道較之他省最爲寫遠近年屯坐疊被水災倍形苦累又兼河道艱阻用費浩繁每年跨帶木植藉資沿途貼補過關完納稅銀從無違誤十六年經過蕪關科算稅銀二萬三千餘兩彼時因期限緊迫趕幫進口未及清算以致耽延歸次後又值屯坐被災未經繳納十七年欠找蕪湖關稅銀五千七百七十餘兩本擬進口後將所帶土宜售賣陸續完繳上年適遇河道淺阻湖南三幫軍船長剝運通丁力益形竭蹶以致不能繳解實非有意拖延所有欠交稅銀一萬七千

存素堂集續編

奏疏卷一

五

九百餘兩現在趕辦新運一時實難措齊懇請撥案分限四年扣解歸款俾丁力稍紓運行無誤等情由該糧道及該委員等查係實在情形會詳請奏前來臣等伏查道光十四年湖南漕船欠交九江關木稅除已完外仍欠銀五千四百兩經前撫臣

吳榮光

奏請查照九江關監督臣德順原奏分限四年於各丁應領生息項下扣解完款奉

旨允准在案前項銀兩計道光十八年已可全數扣清今各幫旗丁欠繳十六十七兩年蕪湖關稅共銀

二萬八千八百餘兩除現據追繳銀一萬九百二十餘兩外仍未完銀一萬七千九百餘兩既經該道等節次嚴追因屯坐被災兼之趕辦新運實難全數清完詳請援照前案分限四年扣繳自未便再令比追以致有妨運務且查現在各丁欠繳銀數較之道光十四年多至兩倍有餘而分限亦止四年尚不爲適合無仰懇

皇上天恩俯念丁力拮据准將十六十七兩年除完仍欠關稅銀一萬七千九百餘兩援照成案自道光十九年起分限四年在於各丁應領生息項下按

存素堂集續編

奏疏卷一

三

年扣解蕪湖關兌收解部清款俾

帑項有著稅課不致虛懸而丁力稍紓運務亦臻妥速感沐

皇仁益無既極所有臣等欽遵查辦緣由謹合詞恭摺具

奏伏乞

皇上聖鑒訓示謹

奏

道光十八年三月初十日

苗疆丁佃情形拮据援案請借口糧籽種摺

奏爲苗疆丁佃情形拮据援案請借口糧籽種以資

接濟恭摺奏祈

聖鑒事竊照湖南苗疆額設積貯穀石原備屯防接濟

之需上年因苗屯丁佃人等口食維艱經前撫

訥爾經額查照歷年請借成案

奏明動支分別借給卽於秋後免息徵還在案茲據

署辰永沅靖道王簡詳稱上年秋稼登場較前數

年固爲豐稔惟山多田少丁佃率多貧苦家鮮蓋

藏且於完納新租之外又帶完道光十五十六等

存素堂集續編

奏疏卷一

天

年舊欠農力未紓並無餘蓄當此春耕之際不免

仍形拮据請援照成案鳳凰乾州永綏古丈坪保

靖五廳縣屯丁七千名每名借給口糧籽種穀一

石共穀七千石苗佃五千名每名借給口糧籽種

穀一石共穀五千石又各廳縣歷年收成歉薄之

丁佃量爲加借穀三千石總共穀一萬五千石俱

於苗疆積貯穀內動支給領仍俟本年秋後免息

徵還等情詳請具

奏前來臣覆加查察湖南苗疆鳳凰廳等處丁佃類

皆貧苦戶鮮蓋藏當此東作方興青黃不接農力

未免拮据自應量爲分別借給穀石以資接濟相應援案奏

聞在於苗疆積貯項下動支穀一萬五千石以七千石借給屯丁以五千石借給苗佃再以三千石加借收成較歉之丁佃俾口糧籽種無虞缺乏實於邊黎生計有裨除照案檄飭該道如數動放仍俟本年秋後免息徵還外謹會同湖廣總督_臣林則徐

恭摺具

奏伏乞

皇上聖鑒謹

存素堂集續編

奏疏卷一

三

奏

道光十八年三月十三日

會奏請將湖南提督常駐辰州摺

奏爲申明舊章請將湖南提督常駐辰州府城以資

彈壓恭摺奏祈

聖鑒事竊照湖北湖南兩省營務從前原歸湖廣提督
統轄是以提督駐紮湖南之常德府城爲兩省適
中之地嗣於嘉慶二年會籌苗疆善後事宜案內
准兵部咨以前督_臣畢沅

奏稱辰州常德均爲雲貴往來孔道而辰州逼近苗
疆爲鳳凰永綏乾州三廳門戶距常德較遠未免
鞭長莫及苗疆甫經戡定必得提督常駐辰州稽

存素堂集續編

奏疏卷一

四

查彈壓等語應照所請辦理仍俟一二年後察看
苗地情形安靜再令提督每歲分作上下半年在
辰州常德往來駐紮等情奏奉

硃批依議速行欽此遵於辰州府城建設提督衙署以
資駐紮辦公迨嘉慶六年又經

奏准添設湖北提督欽奉

諭旨所有原駐辰州之湖廣提督著改爲湖南提督專
管湖南通省營伍事宜等因欽此欽遵在案是湖南
專設提督既不兼轄湖北自應常駐辰州惟因辰
州逼處巖疆常德近在都會歷任提督每多駐紮

常德非巡閱之年不到辰州與原定章程殊未符
合茲新任湖南提臣楊芳係由鎮筵鎮總兵蒙

恩簡擢於苗疆營伍最爲熟悉民苗俱極愛戴雖現在

苗地甚爲安靜惟距武昌約二千里卽距長沙亦

千里而遙控制巡防不得不倍加慎重臣等察覈

辰常二府形勢辰州自較常德更爲扼要且兩處

俱建有提督衙署兵制亦久經勻派一切無須更

張應請申明原定章程將湖南提督常駐辰州以

資彈壓仍於年底酌赴常德駐紮一半月亦不致

顧此失彼臣等與提臣楊芳往返札商意見相同

存素堂集續編

奏疏卷一

聖

謹合詞恭摺具

奏伏乞

皇上聖鑒訓示謹

奏

道光十八年三月十三日

請停寶南局鼓鑄摺

奏爲錢價過賤請暫停鼓鑄局錢以平市價而恤兵艱恭摺奏祈

聖鑒事竊照湖南省寶南錢局現設爐十座每年額鑄三十六卯鑄獲錢文爲搭放各營兵餉之用前因銀貴錢賤兵情不願多搭錢文曾於道光四年奏准按二成搭錢嗣因錢價愈賤局鑄錢文除搭放兵餉外別無支用而局貯銅鉛可供七十三卯又於道光十三年

奏明停買滇銅並將歷年缺卯請免補鑄各在案茲

存素堂集續編

奏疏卷一

聖

據藩司龔綬鹽法道李裕堂會詳據兼管寶南局務長沙府知府何其興詳稱自道光十三年迄今已陸續鼓鑄二十八卯尚有四十五卯未鑄現查南省市錢價值較前愈賤每錢一千僅合市紋銀七錢而寶南局錢搭放兵餉每錢一千照例扣庫平紋銀一兩是兵丁得錢一千卽少銀三錢零兼之各營領錢途長費重往往仍在省城易銀回營益多折耗察訪兵情惟願免搭錢文應請暫停鼓鑄等情由該司道等覈明詳請具

奏前來

臣查

國家泉府之設原爲濟餉便民通商利用今湖南省
市錢價值每市平紋銀七錢易錢一千緣商販並
不攜錢出境祇在本地流通是以錢多價賤而寶
南局錢又止搭放兵餉各營領餉每搭放錢一千
照例扣銀一兩按照現在市銀七錢一千已少得
銀三錢零兼之各營領錢途長費重往往仍在省
城易銀回營益多折耗委係實在情形值此錢價
極賤之時若不設法調劑惟恐兵虧較重錢價愈
賤殊非平價恤兵之道相應據實

奏明請將寶南局暫行停鑄俟現存局錢儘數搭放

存素堂集續編

奏疏卷一

聖

完竣後一律全給銀兩以平市價而恤兵艱仍隨
時察看情形如錢價漸增再行

奏請開鑄是否有當謹會同湖廣總督臣林則徐恭

摺具

奏伏乞

皇上聖鑒訓示謹

奏

道光十八年四月十八日

會奏停止開採湘鄉縣礦礦照例封禁摺
奏爲省局存礦現已充裕應行停止開採遵

旨照例封禁並請動款放給價腳銀兩恭摺奏祈

聖鑒事竊照上年前護巡撫臣龔綬奏開湖南湘鄉縣
礦礦以裕軍火一案欽奉

上諭該處地接苗疆礦斤關繫綦重著林則徐錢寶琛
遴員妥爲經理嚴密防範不准絲毫偷漏滋弊礦斤
稍爲充裕卽行奏請照例封禁等因欽此臣等當卽
欽遵飭委試用知縣楊侃馳往該處會同湘鄉縣
知縣嚴學淦妥爲經理慎防偷漏業將辦理情形

存素堂集續編

奏疏卷一

四

奏蒙

聖鑒在案茲據藩司詳報該委員等先後煎提解省淨
礦十萬四千八百餘斤均已發局秤收又上屆存
礦除各營領用外截至本年三月底止尙存礦四
萬六千餘斤又嘉慶年間平苗案內湖北省解存
未經動用礦一萬七千五百餘斤通新舊共存礦
一十六萬八千餘斤足供數年之用應卽停止開
採所有現在採獲礦斤內除二八抽稅礦二萬九
百餘斤毋庸給價外其餘礦八萬三千九百餘斤
照例每百斤給價銀四兩二錢共應給銀三千五

百二十四兩一錢零又磺斤解省需用包篋運解以及官役薪水等項共銀一百八十八兩四錢零統共應給價腳等銀三千七百一十二兩五錢零應請循例

奏明在於道光十七年耗羨款內動支給領等情前來臣等伏查湖南各營協領用及鄰省採買每年約需磺一萬八千餘斤今前次舊存新收共磺一十六萬八千餘斤以歲需額數計之已屬充裕自應停止開採遵

旨照例封禁以杜流弊除已由臣錢寶琛繕發告示張

存素堂集續編

奏疏卷一

呈

貼曉諭禁止鄉民私挖一面飭鹽法長寶道李裕堂馳往督同該縣將開過各處磺礦逐一勘明壘石封閉仍飭會營派撥兵役不時嚴密巡防無任懈弛並將應給價腳等銀覈明批司照數動放外謹將辦竣緣由合詞恭摺具

奏伏乞

皇上聖鑒勅部查照施行謹

奏

道光十八年四月十八日

拏獲畫符除邪人犯審明並非邪教摺

奏爲拏獲畫符除邪未成匪犯審明並非邪教分別

定擬恭摺奏祈

聖鑒事竊據辰永沅靖道王簡稟據派往永順縣緝匪
之外委邢正倫稟稱風聞民人熊文政家窩畱匪
生之人習爲邪教藏有邪書器械當帶練勇前往
將習教人犯及邪書器械一併拏獲該道已飭委
永順府督縣勘審等情臣林則徐當查民人熊文
政家膽敢窩畱習教匪犯藏匿邪書器械實屬不
法難保非卽藍沅曠案內習教之犯必須徹底究

存素堂集續編

奏疏卷一

吳

明從重懲辦當卽密委武昌府同知陳天澤馳往
勘訊業經附片奏奉

硃批淨絕根株爲要欽此欽遵轉行去後嗣據該委員

陳天澤查明拏獲之犯名韓子蘭係火居道士平
日爲人建醮念經並自稱能畫符除邪並無傳習
邪教情事並赴熊文政家逐細搜查實無收藏邪
書器械違悖不法物件因有民人龔榮富等與熊
文政挾有嫌怨架詞妄稟以致外委邢正倫輕事
重報隨將現獲人犯押解至省飭委長沙府知府
何其興會同武昌府同知陳天澤審明議擬由湖

南臬司楊慶琛會同藩司龔綬覆審具詳前來臣
等細加查覈緣韓子蘭係鳳凰廳火居道士其故
父韓添松亦係道士遺有經卷符籙該犯承受學
習爲人念經建醮看地葬墳嗣因貧難度日將經
卷內原有符籙照樣描成一本並削木劍二柄於
道光十七年二月內攜帶符本木劍經卷出外捏
稱伊能驅除邪疫希圖騙錢使用因無人相邀未
經得錢是年十月內行至永順縣境有素識之熊
文政因其媳熊朱氏病故卽倩韓子蘭在伊家念
經超薦先是熊文政之鄰居龔榮富因向熊文政

存素堂集續編

奏疏卷一

四

借貸不遂挾有夙嫌迨見其家有人建醮念經起
意架詞稟官拏究洩忿卽商同其弟充當保甲之
龔榮芒以熊文政家窩留邪教藏有邪書器械等
情向巡緝之外委邢正倫具稟邢正倫當卽往拏
時熊文政家經已念完韓子蘭又經該處民人張
應敖卽張泳敖邀往念經邢正倫隨至張應敖家
將韓子蘭拏獲起出經卷符劍稟解茲據委員勘
查明確提省審悉前情臣錢寶琛誠恐韓子蘭實
有傳習邪教情事復就近親提嚴訊供與該司等
所訊無異將起獲經卷符本逐細檢閱實係道家

常用經文符籙並無違悖不法語句復飭據永順縣鳳凰廳查傳韓子蘭熊文政保鄰親屬取具供結僉稱韓子蘭等委無習教情事案無遁飾查韓子蘭既爲火居道士爲人念經建醮原屬例所不禁惟該犯輒敢描畫符籙製造木劍稱能驅除邪疫雖未行使得錢實屬玩法自應比例酌減問擬韓子蘭應比照端公道士作爲異端邪術醫人未至死者杖一百流三千里例上量減一等杖一百徒三年至配折責安置奠榮芒充當保甲隨同其兄奠榮富妄稟熊文政窩匪習教殊屬不合應照

存素堂集續編

奏疏卷一

哭

不應重律杖八十再加枷號一個月枷滿折責革役奠榮富現尙在逃飭緝獲日另結熊文政張應放倩韓子蘭在家建醮念經並未令其畫符除邪請免置議外委邢正倫奉委巡緝查拏匪犯本其專責惟既將韓子蘭拏獲明知係火居道士在熊文政家諷誦道經卽起獲木劍二柄自稱能除邪疫亦不過尋常罪犯乃輒聽奠榮富妄報不察虛實混稱習爲邪教藏有邪書器械張大其詞實屬不知輕重應降爲額外外委以觀後效起獲經卷等件案結銷毀除全案供招咨部外理合恭摺會

奏伏乞

皇上聖鑒

勅部覈覆施行謹

奏

道光十八年四月十八日

存素堂集續編

奏疏卷一

四

道光十八年四月十八日

奏

陳請題署誠行

皇五聖鑒

奏

官紳捐修

文廟懇

恩分別議敘摺

奏爲紳士捐修

文廟工竣懇

恩分別議敘以示獎勵仰祈

聖鑒事案據湖南布政使龔綬詳稱據署鳳凰廳同知

楊超任先後詳稟該廳原建

文廟年久失修日形朽壞前據舉人包安容等呈請勸

捐修建當經該署丞捐廉首倡紳耆人等均各踴

存素堂集續編

奏疏卷一

辛

躍輸將復經前鎮守鎮總兵楊芳辰沅道王簡捐

助工資於道署後面劃出地段以擴基址該署丞

率同經歷海齡知事陳丙吉巡檢趙康安隨時查

察並責成訓導徐壽昌督率各董事敬謹承辦自

道光十六年十一月興工起至十八年二月將

文廟前後殿宇宮牆祠屋以及學署書院考棚等處一

律修葺完竣查驗工堅料實巍煥壯麗足垂永久

鎮算地處邊隅本少富戶其客民寄居貿易營趁

者又不便向其勸捐合計本地官民捐錢至二萬

一千九百餘串

文廟計日告成固屬紳士樂善捐輸亦由董事經理妥協詳請分別獎勵等情由該藩司覈明除捐銀三百兩之前任鎮筸鎮總兵今陞湖南提督楊芳捐銀五百兩之辰永沅靖道王簡俱係大員不敢邀請議敘其捐銀一百兩之經歷知事巡檢各員應請由外記功二百兩以下各捐戶照例分別給匾外請將捐銀三四百兩以上及二百兩各捐戶奏請獎敘併聲明現署鳳凰廳同知已補武岡州知州楊超任首先倡捐錢一千串勸諭捐錢至二萬餘串克成善舉又前任鳳凰廳同知姚華佐訓導

存素堂集續編

奏疏卷一

五

徐壽昌各捐銀三百兩請一併議敘以示鼓勵等情前來臣查吏部奏定捐輸議敘章程凡士民捐銀二百兩以上者給予九品頂帶三四百兩以上者給予八品頂帶今鳳凰廳紳民捐修

文廟工程業經完竣洵屬急公好義自應覈計銀數分別請給議敘以昭激勸所有捐銀三百兩以上至五百兩之舉人董事包安容附生戴春元滕家杰戴應元苗千總吳廷貴民人吳興禮毛仁佳吳天瑞及捐銀二百兩之舉人董事趙廷魁滕家正楊通昶附生鄒朝佐滕家謨監生唐明富滕自亮廖

永和苗守備吳永清民人朱正國劉漢山滿長雲
陳開周江穎達歐陽正仁楊正榜滿萬興王定選
苗生龍占魁等仰懇

聖恩俯准交部分別議敘至署鳳凰廳同知已補武岡
州知州楊超任首先倡捐千金勸導有方克成善
舉前任鳳凰廳同知姚華佐訓導徐壽昌各捐銀
三百兩均與議敘之例相符並懇

聖恩一併交部議敘以示鼓勵其餘捐銀一百兩以上
各紳民及在工出力各董事照例由臣分別給匾
獎勵此項工程係士民捐辦應請免其報銷除查

存素堂集續編

奏疏卷一

五

取紳士履歷清冊另行咨部外謹會同湖廣總督
臣林則徐湖南學政臣蕭良城合詞恭摺具

奏伏乞

皇上聖鑒訓示謹

奏

道光十八年四月十八日



